

樊

山

集

樊山集卷十五

恩施樊增

京輦題襟集上

入都呈愛伯師時新入諫院

詔遣英儒備諫垣秋來無恙雀羅門禮堂故有鱸魚瑞朝列
今知獬豸尊御史襄行應得路春風中坐欲忘言函關關尹
知何幸重覲猶龍問道源

題楊大瓢九秋圖爲可莊同年屬賦

二稜霜田廢不耕朔饑何意傍京塵江南一種瓢兒菜抱膝
秋堂溢齒津

錢蕸石先生梅花卷子系以長律七篇可莊同年屬題

愛伯師和其四余和其三用以抒情敘別云爾

先生自序

謂蒙恩以原品休致即入山卜地營葬云云此卷蓋丙舍中作

九祀山前玉幾叢采芝不換漢三公
荒寒自寫名花照孤峭
終存老輩風南磬鐘聲來丙舍
西湖香雪滿行宮

君恩許向杭州住蝦菜年年祝歲豐

楚客新來止座隅舊家琴鳥一塵無
江山如夢羣花睡野水橫舟盡日孤
臥閣祇宜看馬耳收書聊復典魚須
劇憐寶澤堂中畫花亦如人分外懼

幾尺溪藤數卷舒蹇驢方扇赴京初
洛陽雪後誰相問隴上花時望寄書
畫裏春風元不改老來舊雨未宜疏
宦情直與花俱淡便擬清尊共歲除

京寓寫懷

人海中閒寄一椽梁鴻廡下薄寒天
捲簾看畫雅閒可掃地

焚香與病便仕宦蘇爨求補外聲名華邴任居前少年同學
今餘幾重過黃墟一黯然

黃銀臺文招同爽秋止潛可莊集全浙館卽席賦呈

掃地安罍藉錦茵歲寒松石意相親圍碁謝傅常携客繡象
平原日飲醕書畫南宮誠好事

館中多收鄉
先輩手蹟

酥梨北物也忼

人西園雅集今無讓便擬看花直到春

次均酬愛伯師二首

病起臨觴且自寬宣南花竹幸平安家無二頃求官急庭謁
三公下拜難鳴鳳敢言棲枳棘沐猴真自強衣冠他年共載
霞西路世六鷗盟尙未寒

內降紛紜墨敕封於今人物本初雉祇宜覓句花驄上且可
藏名木雁中玉塵柄如江左白小梅花爲隴頭紅官壺不少

青梅酒難得英流一笑同

雲門以長安令服闋入都有詩見贈賦此奉餽

李慈銘

質無經營十笏寬蕭蕭白髮隊長安

聖明豈拒涓埃納老病眞成去住難閣裏自尋孫寶傳
鏡中羞見惠文冠此心欲與盟鷗說猶得君來共歲寒
玉堂一去浪花封攬轡秦川氣象雄文字宗師驚海內
聲名蕭育滿閣中楚山雪映麻衣白京輦霞隨緇憶紅
君揚犬
人歸甯相別七年今再見不辭樽酒日相同

旅中生日內人治具爲壽愛伯師叠韻見調再次二首

是日外姑率
媿婦輩來集

置酒東堂百慮寬平親江庾聚長安畫眉頗怪傳聞誤盤馬

須知不墮難半臂紫絲連理帶一簪華髮遠游冠相如未是
眞消渴服散焚香共歲寒

青鳥書來笑啟封甲辰眞愧不能雄賦材粟里閒情外詩境
宜州綺語中倚竹漫矜寒裏翠買花爭向月頭紅婦家姊妹
見臨餘波綺麗難爲和好句江霞約畧同

原作

李慈銘

王程猶是簡書寬茶竈琴牀慙自安居近壻鄉仙眷聚
室偕萊婦古人難襟翻茗椀因論畫鏡倚花枝爲整冠
正是團樂開錦宴玉釵銀燭不知寒

花語鶯泥錦幪封專城夫壻最英雄閒情翠幔輕寒外
綺語香階淺醉中鴛瓦雪添官燭豔蕙爐煙裊早梅紅

劉樊自有琅璈樂未許人閒摩笛同

余是日置酒招
君以家宴不至

黃銀臺丈新署副都奉贈一首

巨眼衡文海內無，鐵冠嶽嶽待清都。已接吳會英才出，未覺乾坤正氣孤。風節平生羞仗馬，霜棱昨夜動臺烏。他年若上凌煙畫，定繼朱雲折檻圖。

輓潘伯寅尚書

南齋供奉世年餘，家世韋平近。帝居地望崢嶸三，獨座官班出入六。尚書秉樞日淺丹，心迴憂國年深雪。鬢疏從此武皇悲，舊學凌雲無復從金輿。

中臺遙夜坼星辰，八百孤寒涕淚新。鑒別九流歸月旦，吹噓萬物返陽春。人騎白馬來秦旄。

平賚黃金與飾巾，兩制三公數厯徧。蓋棺所得是清貧。

木稼分明累達官，中興人物極凋殘。湘中氣已風雲盡。

近日彭揚

曾三宮保相繼逝世吏部光同日月寒已遣鼓鞶傷將帥可無舟楫共艱難由來天下關憂樂不獨儒林爲永嘆

蓬山小劫墮罡風無復京塵謁鉅公豈意屏身桃李外猶聞

搯擊玉堂中文章往日逢人說恩怨平生掃地空十載門牆

虛一面恰從身後泣南豐庚辰散館祥卷爲錫尙書所擯以公與韻卷之列不一授手意不能

無望十餘年來曾未通謁及聞李越綬師沈子培比部言乃知公力爭不得至今憤惋狀易簣之前五日猶與子培道及今錫君已矣公又告逝悼念平生恩怨都盡賦此以誌州門之痛云

喜晤爽秋同年因贈

憶梅昨歲下西洲薜荔重爲日下游吳體詩篇難忍俊楚人頭髮不勝秋伊誰仕宦車生耳彼此行藏馬絡頭何處糟邱能快意與君沈醉典鸞裘

和作

袁 和

李一多卷一三
鞭絲再入修門道閱世碁秤萬事非笑我霜髭侵老大
健君詩格破森彘吏如槐里朱雲儁調似宜都白雪稀
才退輸君甘用短浮名晚悔滯塵鞿

贈沈

曾植

子培比部

吏隱金門日著書端臨夾深信吾徒竹羅古義勤箋記洞闕
新銘當盡圖有味其言如菽粟咄嗟斯士出菰蘆向來此事
推袁久謂爽秋大雅今期瘦沈扶

和作

沈曾植

俠氣關西軼孟公文章海內屬王融新硯應卻躡蹻樂
細馬尋山散朗風人海偶然陪笑傲長年無計駐萍蓬
從君更乞西州草留取他時著帶中

簡爽秋子培

霏屑清言總識真同時二妙有誰倫
國人競覓狂泉飲我輩能迴狷社春
文字分無蠶室事帶裘爭及雀臺人
冷官作達休相笑糲飯寒菹互主賓

和作

沈曾植

絕照孤光契有鄰
斲雕散樸總含真
敢齊洛下能言士
已識樊南最後身
雲漸回天際
雪風懷相惜
座閒人煙雲供養
圖編集且頌昇平作幸民

敦夫前輩見余近詩因和春秋兩韻見贈次答二首

勞勞靴版泪吾真
舉酒欣然遇伯倫
薄宦五遷雄緊地
索居十度寂寥春
自辛巳歲與君別今十年矣
君看小范猶兄弟
臣事中行本眾人
昨日武昌參幕佐
錯教人認郟嘉賓

去年持節下瀛洲
立馬仙霞亦俊遊
叢桂遠移臺嶠月
茶香

新試武夷秋無雙佳士逢青眼五十華年未白頭又是長安
深雪夜可無桃葉理衣裳

原作

贈敦夫

李慈銘

我後東坡入日生君先四日降長庚科名已定分遲速
曹署因茲判濁清共夾澄漳比廉讓獨持使節領蓬瀛
新詩明脆如冰雪壓倒當年玉糝羹

陸漁笙

廷瀚

前輩杜詩見贈賦此奉酬卽題其所著鎮

亭詩集

皋蘭萬里駐騾駢西度崑崙玉有輝桃李已知關外滿葡萄
得至漢廷稀來聽隴樹紅鸚語去帶洮河綠硯歸聞說涼州
古雄郡三明收取貢 王畿

真誼歸來著過

明城相見柳條春東方騎吹迎天使北道

杯觴有主人緋笏送君依日月青袍憐我在風塵華清池上

題詩處袖拂紗籠墨尙新

乙酉冬君差滿還京道出青門余適幸首邑盤桓累日

素衣韞結復何言同踏春明覓夢痕火馬漫從人海度蹲鴟
惟戀地爐溫閒徵絳樹風懷滅老覺梅花輩行尊雪水煎茶
冰砥膾滄浪詩境與重論

一編冰雪興蕭疏玉白花紅入手初鄉貫鮎埼舊亭長風神

蠶尾老尙書盛名不自遊閩始綺語微從度隴除

君詩分五集閩遊隴

輟皆集名也

今日漢家需典冊凌雲還復用相如

原作 軼

同漁笙敦夫觀西伶度曲

竿木逢場未是真伊涼古調劇悲辛風前繡帶初迴雪鏡裏

花枝欲笑春揮灑銅駝街畔淚荒唐胡蝶夢中身皆是日都木事
將家國興亡恨懊惱江東顧曲人

同作

陸廷敬

形跡俱忘各率真相逢樽酒慰艱辛翦燈共話長安夜
吹律剛迴大地春是日長至小別三年增老態短歌一曲健

吟身黃花晚節期珍重舊雨如今有幾人

檀板當年聽曲真重題舊事益酸辛疑雲疑雨尋殘夢
飛絮飛花悟暮春空說黃金求駿骨誰將綠葉護鶯身
不堪斜日燕臺上又向秦川送故人

同作

鮑臨

歌泣當場莫認真祇憐擊筑太酸辛驚心蝶夢都成幻
過眼鶯花不算春琴管別傳絃外意衣冠聊現鏡中身

誰知棖觸多情者欲把今人視古人

兩君次韻書感再和一首

握椒貽我劇芳辛無復天台訪玉真走馬誰爲輕薄尹流鶯
欲喚奈何春漫教李態呈新曲惟有何載是舊人多少漏舟
橫野渡木蘭花恰是前身

紫潛同年見和茵椽二韻再次奉酬

醉後休污丞相茵長安惟與酒徒親功名誰道遲非福文字
今知肆是醕牘尾押花驚省吏竹閒煎茗付佳人煙雲供養
金萱健長有胷中自在春

漂流瀚海寄修椽社燕生平只信天燕市重來聞筑少青門
此去種瓜便黨人已困元符際十子猶推大厯前切莫陽關
歌苦調城南聯句一欣然

原作

濮子潼

塵海浮榮等瀾茵素心晨夕自相親劇談時比哀梨爽
美意真逾顧酒醅讀畫古懽宜冷客鳴琴餘事作詩人
帝城風景淒其甚羨爾毫端別有春

廿載爲郎寄此椽不成佛亦不生天堆牀書卷忘家窘
近市魚蔬酌客便風雪彫年憐遠去箏琶快意取當前
解拙便覺中懷惡未到山陽已泫然

用茵字韻贈伯循同年

幾回屐齒破苔茵舊雨長安老益親歲月深憐吳髮短衣冠
眞似魯儒陪幾令寒暑忘眉子未肯兜離聽舌人

譯者考用
章京君獨

不往會奉安輿榮五馬那容歸釣鏡湖春

和作

潘 遜

位置天教判溷茵何期琴鳥復相親交情反覺雷陳薄
治行真同卓魯醕論議縱橫猶故態衣冠蕭散宛閑人
幾回翦燭高齋裏茶熟香溫盎盎春

老屋三閒傲鼎茵評書論畫意相親照人肝膽貧能使
驚世文章肆益醕何日水鄉尋舊約頻年京洛送征人
爲霖半屬寬裳侶涓北江南各自春

兼謂可
莊同年

倪中丞丈所畫珠江話別圖爲張太僕屬賦

圖爲太僕
使美時畫

中丞開府二樵閒星使還鄉駐錦鞍萬里花旗通玉帛百年
珠海盛衣冠 中朝金紫輝窮鳥

使臣進
秩二品

右相丹青本大觀

靜夜仙槎虹貫月蛟龍不敢仰頭看

答悉伯師病起三首

夫子金門隱清孱強箸書腰圍憐沈約肺病擬相如禱佛求

方藥傾都問起居歲寒扶杖起松竹景森疏

南窗就初日閒事入支頤苔暗巡檐地香明讀畫時閉關守

元牝靜坐曠華池若訪延年藥秦中有紫芝

羸馬函關去深憐伏枕遠青山養衰疾

指西山秦疴事

白首惜分飛

隴雁春前起江梅雪後稀從公求上藥應是寄當歸

原作

李慈銘

強自扶筇起南榮一晌歡朝陽如我待殘雪儘人看

敵偏知重簾垂不隔寒有身應有觸翻羨捨支蘭

無恙庭柯在相看倍有情支離同我瘦偃蹇待春晴宛

爾山林意欣然鳥雀聲巡檐應有日莫厭守柴荆

寂寞同岑友時時裹飯來一朝投杖笑相喜素書開摩

詰燈無盡戶陀肉未灰歲寒窗竹在日日共尊罍

恣伯師答詩頗寓歸興再和一首

擬向稽山作野樵鑑湖一曲夢中遙春旌吏放花閒牖水榭
人吹月下簫四月新荷迎畫舫終年垂柳拂朱橋此中待構
東西屋同赴蓑衣社裏招

原作

李慈銘

君問歸期未可料故鄉何日返漁樵尙餘楓葉鳴紅舄
到處梅花倚畫橈兩岸朱樓清水牖四圍翠嶂跨湖橋
清水牖湖桑堰州山皆有之以州山爲尤勝跨湖有東
西兩橋西跨湖橋在湖塘邨之西較偏門外東跨湖橋
尤爲秀絕相從筇笠談何易且共西山趁鹿趨
起暮去
遙二切
偶從恣師許見爽秋詩札有云先生試評之當復滅雲

門否戲書二絕句貽之

無我無卿妙解頤蒼茫袁謝得同時揮豪並賦紅鸚鵡獨步

江東定屬誰

小扇銀鉤絕妙詞
秦郎刻意織秋絲
逼人咄咄黃雙井
更著功裘七字詩

和作

袁 昶

詩才蒨麗屬夷陵
迴雪流風和未能
君或過秦吾媿谷
傳衣未許妄擔承

纓堂老作黃梅宿
馨芬風雷出病頤
誰是南能誰北秀

秤量試喚沈傳師

戲謂子培

次韻答悉伯師雪中見寄

幽人掩書坐凍雀
啄簷行花絮通簾
細茶煙傍竹生膠
瓶纜識冷晃鏡已
知晴此夕宜深醉
紅鑪暖到明

原作

李慈銘

日寄詩筒去似忘君欲行天寒愁遠別歲晚喜更生樹
欲風聲歇山知雪意晴一杯猶可飲來共晚窗明

贈張子虞同年

人生忽忽過四十同學少年頭總白鄉舉已歷十科強後輩
莘莘多似鯽與君契闊餘十年秋風解若長安陌蓬萊海水
自深淺金馬承明異出入當年玉貌同輩無身是靈和弟幾
株墨妙有誰齊逸少琴心爭欲嫁相如三十年來居幕府草
檄飛書健於虎晚過羅浮騎蛺蝶早凌翼際翻鸚鵡垂白一

第動公卿試院茶旗再三煮

君兩次
分校

堂前佳客問奇字朝罷

閒情畫眉嫵作者折柬招酒徒薄暮競過黃公鑪酒行雪後
雙耳熱搥壁脫帽相歌呼論才不數袁本初送米不屑陶胡
奴靴紋著面霜在鬚意氣猶足傾京都酒闌過我柳下盧清

言更與袁羊俱素心三人破幽獨品字柴頭茗花熟詩如擊
壤不能工畫似山樵差可讀是夕看余近詩及王叔明畫卷鞞衫日出各有
營片時消受娜環福感君臨別索我詩同袍臭味無差池燈
前棖觸少年事畫壁無復龍標詞由來文筆與年老銅瓶古
幹回春姿朱門肉食不我知世年甘苦君知之

和作

張預

昔我識君未三十睽睽雙瞳睨人白九衢行徑可笑人
市閭琵琶名士鯽君行西笑我再來幾度衝泥躡塵陌
偶從量日地深巖苦憶戴星人出入往時儔侶今則無
隻若柴立枯槎株侏儒頗解鄙臣朔狗監未暇交相如
日下文章侈淵府或援飾麟鞞蒙虎何來雲中下白鶴
卻自江邊賦赤鷁偃新詩脫帽尋曹騰舊夢挑燈煮

由來與世殊酸醜未要入時問眉嫵與君並世蘇門徒
造物一氣搏黃墟此別參商那可說相看爾汝猶能呼
老大非我生之初傍人門戶甯非奴得君意氣聊之振
聲價亦足張鳴都朔風吹雪圍敝廬一官冷與嚴冬俱
冬心冷趣年年獨取暖共君酒初熟一樽換得詩一篇
牆頭過壺牆下讀長安塵埃撥不開暫得清閑良亦福
嗟余衰癩胸無詩起拂凍研冰生池感君跣跣畫一紙
屬和忘是陽春詞安得從君數酬倡如飲大藥蘇孱姿
寸心甘苦老自知世無桓譚姑置之

紫潛和詩期許過厚再答一首

同步花甄接履蔡神山風引下蓬池鄧侯寂寂嗌人處苟令
怏怏奪我時燕頷虎頭慙將種鼠肝蟲臂任天爲近來無復

高樓意問舍求田是本師

原作 軼

雪後望西山寄靈光寺僧

鳩鵲晴光已映帷西岑猶是凍雲垂
灰深芋火僧歸晚葉覆溪冰鹿過遲
一塔青天空倚傍數峯殘雪尙支離
遠公苦訂重來約空局悠然未有棋

和作

李慈銘

昔年僧拒白雲期紅葉清秋付夢思

丙戌四月宿靈光時與寺僧約九月

中來看紅葉僧以恭邸居此爲韻細澗正當冰合後空山已是雪來時

天連孤塔衝煙直日隱寒林度磬遲
瓶鉢隨緣三夕話

早梅猶寄己公詩

賃廡與吳子修

慶祺

翰編比鄰奉簡一首

好竹連牆喚可磨前身同是理安僧十年交臂西湖雨五字
如餐肉賜冰君杭州人與余有連又泉脈互通澆藥井壁光
分與讀書燈兩家共住垂楊下几席春來綠不勝

和作

吳慶坻

自拚松關百不磨靜中人似罷參僧新篇忽掃漫空障
清籟如敲絕礪冰豪宕餘情猶說劍蹉跎良會遲呼鋌
楚江斷雁經年恨雪涕重談那可勝

瓜皮喚艇渡頭膺共載南屏盞飯僧欹笠曾看靈竺雨
花牀重碾御河冰早聞輿誦盈三輔暫得詩禪問五燈
二妙詞雄君斂幟可堪惜別醉難勝

附贈詩

吳慶坻

虎渡家世劇清雄况有山川似鏡中農利百年規鄭白

邊才幾輩壓羌戎，神僊小劫緣匡俗。文字浮聲笑鑿空，
聞道定與勞填撫。求芻逸木正需公。

陸機分屋住東頭，鍵戶吾方賦九愁。曾說苦吟烏帽側，
可無妙墨練裙留。平生抗手青編字，別後迴腸白雪謳。
韋杜花光茂陵月，因君根觸世年游。

再同病後畜一黑牛飲乳日以一瓶乞悉伯師師以詩

謝奉和一首

平生師友今相如，茂陵夜雨呻牀敷。筮易皆遇牝牛吉，坐使
南人思塞酥。黃君得牛黝如漆，東欄宛轉與犢俱。冰資取乳
自煎鍊，玉漿瑩白真醍醐。道家攝生重元牝，谷神不死顏清
腴。南臺御史有同嗜，走馬日致青絲壺。先生玉骨尤清羸，臥
閣十日元髮摧。醫言草木匙功伐，茹血乍可迴蕭衰。張蒼人

乳卽此意一舉坐盡青琉璃瓊瑤報謝興不淺言言冰雪甘
如飴我師我友昨未閒我馬輟行日三嘆引杯忽誦東坡偈
且喜兩家俱平善土牛送寒桃李春東風吹起玉堂人此牛
此犢俱功臣報以芳草柔如茵我行入關學司牧教民賣刀
買牛犢新歲無羔捫酒香一杯散作蒼生福

原作

軼

次均酬恣伯師臘八日見寄

雪窗開卷眼逾明撩亂花光與竹聲閣上松風頻有夢天邊
柳宿可無情蹉跎寒事嫌官冗打點清譚怕客生釜粥香中
聞佛笑諸天花雨一時晴

原作

李慈銘

隱几南窗透紙明護經簾裏靜琴聲金人盤露疑無分

玉女牀敷尙有情魚粥香教寒晝暖煮茶煙傍早霞生
紅鑪商略過三九留取梅花十日晴

臘八粥

茶竈前頭汲井華伊蒲風味勝胡麻引杯甜似金人露開鼎
丹於玉女砂一種相思屑紅豆世年隨分喫桃花雍和宮裏
新傳敕說與宣南掌故家

恣伯師評騰袁樊兩家詩格以山水花木茗果爲喻敬
答一首柬爽秋兼東子培

袁詩如食攪我詩如噉蔗世有知味者甘乃居苦下袁詩黍
稷罄我詩桃李花古人亦有言秋實勝春華袁詩爲帛我爲
錦袁詩爲酪我爲茗袁爲冰柱爲雪車我爲丹曦爲紫霞袁
詩好處無人愛我詩愛好皆驚嗟早年把臂得陶君

調子珍
六兄

晚歲齊名遇袁子七賢樓臺屬化城千尋石壁橫江水秦黃
並受蘇門知能秀俱事黃梅師吾師兼愛何分別得失心知
甯自私少年紅燭照清歌宛轉春風競綺羅邇來漸欲歸平
淡奈此餘波綺麗何此事推袁非一日可畏隱然臨大敵更
門東陽彥沈來三交不覺蛇矛失

原作

李慈銘

袁子清言琢冰玉樊子秀語奪山綠乾嘉以來百餘年
二妙一時壓尊宿桐廬梅花三百株夷陵清峭天下無
盛年隨計旋通籍各授官杰研京都巖灘夾嶂蔽林篠
巴峽啼猿楚天曉故應仙骨常人殊胎息巖花狎谿鳥
漸西詩版傳玉京爽秋漸西村人詩
鈔已刑行都下茗樓十集東南行
華嚴合有長者論去聲卮言聊取鍾嶸評譬之山耶袁如

峻崖裂冰瀑樊如白雲生澗曲譬之水耶袁如清湍激
盤澗樊如明湖翻碧波譬之木耶袁如奇松偃地覆樊
如黛柏參天秀譬之花耶袁如苞紫含丁香樊如猩豔
開海棠譬之果耶袁如脆梨寒沁齒樊如蒲桃爽無滓
譬之茗耶袁如芥茶清而妍樊如越芽翠且鮮罕譬既
窮喻之食雋永兼論味與色一則江珧兼蠔蚌一則玉
鱸金齋洩世閒奇味不常有安得日日供膳羞南能北
秀竝肩出爽秋詩有誰是南能北秀之語獅吼龍吟善知識謬推蘇
學侂秦黃君詩以秦黃爲喻敢比韓門論湜籍鳴珂粉署行珥
蟬花封鳧鳥飛秦川輦下琴尊暫相聚鬪詩寫貴青鸞
箋愧我跋牂附不朽品騰雲龍笑開口彩樓更問沈佺
期謂子培嚼雪吟香賭千首

答悉伯師相戒斷詩

欲參法藏斷聲聞何意雕鏐露與雲作吏一行真廢事先儒
無取是能文暫將伴侶隨陽五可得聯珠附寶羣

時擬刊京
羣題襟集

詩到老坡猶悔作西湖題句漫紛紛

原作

李慈銘

百苦三秋瘧癘餘熱寒方罷戰牀敷路旁自欲觀馳馬

腹內何須罄賣驢育可敢言分骨髓

指前日題袁
樊兩家詩集穀臧

那用別書蒲天寒正好深藏手各勉刀圭奉大蘇

再答悉伯師斷詩

中郎妙手題黃絹太守風流詠白蘋餘錦乞人殊自惜黃金
鑄我未全貧江山好處須留意琴瑟尋常不去身況有春花
與秋月摩登隨地解撩人

和作

李慈銘

靈龜七十已鑽窮著履猩猩復喪躬駿馬千盤芳草地
流鶯百轉綠楊風桓伊勉作笛三弄徐邈時於酒一中
此事由來難忍俊况禁簾外好花紅

寒夜同漁笙敦夫介唐三前輩酒肆小飲

朱輪華轂去如流落落荆高倚市樓飲酒樂原過僕射傾城

貴亦抵驂騮

時敦夫方議納炬

紫珂鳴玉因風遠絳燭垂花照雪幽

臘鼓漸繁春草茁莫辭秉炬夜行遊

和作

吳講

朋簪小集盡才流媿對元龍百尺樓聊借一尊澆塊磊
敢言分道騁驂騮苔岑臭味聯交密坡谷詩篇取境幽
指日鳴騶度秦嶺爲期榮覲續清遊

和作

鮑臨

羨君詩筆擅風流，箇裏新聲趙倚樓。
老屋尙難容赤腳，繡鞍何處覓黃駟。
藜穿短榻凌寒慣，花別孤檠照夜幽。
老作頭陀學趺坐，平康坊裏讓人遊。

和作

陸廷敬

豪氣如君壓輩流，題詩多在最高樓。
街巾自合煩青鳥，貰酒何當解紫駟。
燕市同來消寂寞，庾塵不得污清幽。
窗前梅月知心在，便約今宵續舊遊。

越日漁笙復招集酒肆疊韻見示再答一首

御水輕冰凍不流，消寒稍喜月當樓。
夢爲栩栩花間蝶，出控翩翩果下騶。
逆旅光陰隨酒盡，女郎詩句比花幽。

敦夫詩多寓閨情

功名怕讀文淵傳，下澤終希馬少游。

原作 軼

酒罷復偕漁笙介唐過敦夫寓齋

銅街霜月景澄鮮重過蕭齋擘錦箋携手蓬萊三學士銷魂

天壤四婢媾

見孟東野詩

紅氍暖熱疑春夜綺語蟬媾敵少年可

得虛名藏酒肆新詩已被外人傳

和作

陸廷勳

茗蘭翡翠鬪新鮮酒後新詩寫滿牋竹屋一燈人擾擾
梅窗半月夜娟娟我曹一飲能千石此夕清談足百年

莫被市人知此態買絲恐作畫圖傳

王水部生日同悉伯師賦

天台山翠染春袍日下相逢意也消官到水曹同柳永醉非
酒力爲茶嬌新恩密院叅金管舊事揚州倚玉簫雪色銀刀

紅豆粥爲君滿意酌冰瓢

挽妹婿李紫岩大令

薤露聲中白日昏人生至此竟安論有天難問長生訣無地
能招已逝魂墨綬未朝雙北闕

君以卓薦來都未及引見而歿

素旒空引

兩東門傷心蕭寺金棺掩終古琉璃燄不溫

先後影纓謁上都九秋前已病相如

君以八月晦日病

死生涕淚同

羈旅露電光陰逼歲除歸路驛驪千里骨斷腸哀雁一行書

君屬纊之前十日猶發家信手不能書僅作十字而罷

絞衾麥飯皆親設待賦悲翁寄

藐諸

短李關中氣詛真先投縞繼婚姻春風所至能生物醅酒
無何自醉人歸有秫田身可老家無執綺仕仍貧魂歸豈獨
妻孥慟愁煞當年畏壘民

白晁嬰弗御河西粉字銘旌忍重題表墓定還張祿姓

君冒舅氏

姓通籍近始復姓李氏

崩城難慰杞梁妻藥匱狼籍猶淺燕總帳淒涼

有絮雞洗面此閒惟眼淚不堪和墨寫霜縑

感懷呈悉師漱丈

磨蝎臨宮事事非
自哀不暇欲哀誰
無多耆舊松千尺
何限公卿黍一炊
虛牝文章心力誤
繁霜身世死生悲
春明師友皆風義
逢著唐衢總淚垂

和作

李慈銘

今是何曾勝
昨非飛蓬揚
堞欲憑誰
置身弩末已空發
報國劍頭猶一炊
殘燭漸乾風裏淚
素箏難寫酒中悲
豫愁明歲金臺柳
折後長條鎖白垂

東坡生日喜雪悉伯師招同漁笙敦夫介唐子培子封

集越縵堂用東坡立春日病中邀安國禹功韻各賦

二詩時師病新愈

門巷飛翼玉宵漫年年贏得好詩看翦裁紅翠題春帖餽釘

酥梨薦臘盤蕭寺曾瞻雙玉帶去臘遊金焦復觀公及楊文襄玉帶畫堂羅拜

七蒲團不須李委江天笛但酌烹尊續古歡

小集維摩丈室前獻花酌水似當年甲申歲亦舉此會聚星白戰休

開禁賜炬金花欲鬥妍諫買浙燈知有疏乞居穎尾恨無錢

冰霜滿地春如夢此是宮簾撤後天

同作

李慈銘

午窗漸覺玉光漫欲共詩人隱几看著屐長鬚傳竹簡

翦冰赤腳理蔬盤韭因凍折聊充饌花爲風迴不作團

卻借老坡生日事一尊還續雪堂歡

茸裘小集竹爐前吹笛何須倩少年入夜清談如雪豔
先春詩句比花妍 禁林虛想茶綱併公庫誰分酒務
錢差比維摩尋丈室一時龍虎降諸天

用前韻寫未盡之意呈恐伯師二首

平生江海路漫漫晚得朝雲帶笑看兄弟歐門思乞穎文章
韓集愛歸盤公嘗云唐無文章惟昌黎送李愿歸盤谷序一篇而已詩情俊處參瑤柱
酒戶低來薦月圓玉局仙人今再見談禪說鬼有餘歡

一龕香火草堂前元祐經今七百年諫議官如杭守暇玉梅
花似宋時妍經營壽酒隨年例主張詩盟損俸錢老輩風流
多好事願亭林祠翁厚溪墓待春天

臘月廿三日子培昆季招同叔衡爽秋仲發陪黃副都

丈飲全浙舊館卽席賦呈

有美堂中金屈卮清言名飲各相宜郎官列宿通三署

爽秋以戶

部子培以刑部俱直譯署

臺閣生風此一時司命也同今夕醉侏儒誰信

我曹饑自憐慣把杯螯手去學王郎板倒持

歲暮寄山中故人

鬱鬱青松共歲寒舊盟契闊楚江干閒中博戲輸龍縞隱後
新名署鵝冠無吏打門春睡美有兒當戶老懷寬茸靴瘦馬
長安道可耐先生冷眼看

慰伯希同年病起

琴亭棋墅偶居閒祭酒聲名德向閒自有畫圖開北苑

若園林極

盛猶聞朝請奉南班

容齋隨筆南班宗室向來以本官奉朝請

詩成椒掖都傳唱

病起楊枝一破顏園令生平最消渴與君嚼雪上西山

伯希病愈久不出再以詩問

王孫風調阮何年漫詠姬人服散篇髯戟漸生明鏡裏冠纓
長倚玉釵前沈冥玄素求真藥愛翫丹青畫古賢君時得五
老圖寶愛

喜伯希病愈出遊

海王村裏試朱輪供養煙雲現在身大藥還丹尋特健兩松
寒翠過慈仁馬鞭七寶平書價龜紐雙金贈印人謂有
山人我亦
脩繩勤汲古墨林慙媿晚知津

和作

子培考充譯署章京有詩誌感奉和一篇

主客從來用勝流徙戎况抱厝薪憂幾聞入貢徠天馬且可
忘機狎海鷗應化二身俱是法原詩有三
身之喻下中兩策勝無謀

文章行遠如麟鳳絕域天驕亦自愁

讀雲門和詩妄語遂爲明眼勘被再答一首

沈曾植

明詠飛騰日幾通遙知妙腕不怱怱清宵月送傳書騎
小極詩成破睡功坐誦孝經儒已戲辨觀爾雅樂誰同
隱囊紗帽平時業那更荒唐說大蒙

次韻酬敦夫見贈並簡漁笙介唐

拍肩慙逐玉堂仙情話依依析半醴簪帽恰符花相四拂衣
安得木奴干漁老屢有歸志酒如北府猶堪鬥敦夫介唐善飲壁畫西廂卽
是禪老子興來都不淺也同修竹孕狂鞭

原作

鮑臨

詠聽霓裳集眾仙春風坐我暖青氈心源直溯詩三百
腹笥眞撐卷五千爲濟時艱甘作吏夙嫌語錄近談禪

長公舊地多恩信一騎西行快著鞭

和作

吳講

昨宵乘雪壽坡仙疾筆曾開賦白瓊南國詩才誰第一
長安酒直久盈千圍爐半屬青藍契卽席應參醉笑禪
料得明年臨緊縣循聲豔說示蒲鞭

次韻和漁筌歲暮卽事效放翁體

梅花與客兩欣然愛此冬暄賃一椽鄰肆催償賒酒券嬌兒
頻索買燈錢先春花事縈心上破睡茶聲到耳邊甕有黃齋
瓶有粥天涯隨分度新年

原作

陸廷鞞

重上強臺意惘然且欣借宅葺三椽着衣常恐迎生客
沽酒誰能惜俸錢詩稿每塗鈔報後茶筌自語地鑪邊

紙窗竹屋熒然照又惜風光過一年

漁竿用前韻催敦夫納姬戲疊一首

碧桃根葉兩嫣然待寬知音贈笛椽羞挂臣冠珠絡索待償

君馬錦連錢

段柯古詩豹錢駒子能
擊舉和着連乾詩換無

白家春草須隨後織女

明星可姓邊廡得早朝相料理蠶鑪錦帳送華年

漁竿以詩調敦夫戲疊前韻二首

玉燕懷中事偶然聊同比翼寄修椽欲從素女求丹訣肯惜

黃姑貰聘錢樊榭老懷憐月上趙家清夢在梅邊白頭徙倚

桃花下悔汝遲生四十年

敦夫年五十八
姬才十八耳

右代敦夫贈姬

阮郎風貌尚依然置我紅房碧玉椽畫姬織於初二月贈衣

輕過五銖錢風流未便居人後安樂長如在母邊著主衣裳

爲主壽莫持錦瑟較華年

右代姬人答

原作

陸廷敬

小絃續大亦當然置籥先添屋數椽合卺卽斟分歲酒
抱孫還賜洗兒錢

君時有抱孫之喜

柘枝鼓打秦淮上桃葉舟

歸鏡水邊只恐櫻桃今奪寵赤城霞起更何年

謂朱生

梅花一笑自嫣然從我來棲社燕椽蘭入夢中宜媵鄭
花開陌上好歸錢偶思暖老眠爐畔不用鞭陽起石邊
攬鏡鑷髻知已淨肯教桃李誤芳年

敦夫得詩久不報再訊一首邀漁老和

蘭成蕭瑟有誰知總在初寒欲夜時玉署消搖憐藥倦春風
料峭惜花遲殷勤待置雙荷葉次第當生五桂枝檢點王家

白鬪扇和聲詩乞與謝芳姿

漁笙雲門屢以詩勸余納姬次答二首 鮑 臨

自憐毛髮已蒼然況少藏嬌屋數椽垂老無能啜粥粥
憑虛何處喚錢錢座惟榻叟支棋局家有梅妻倚枕邊
笑比幽人貞不字休因壓線怨年年

亡是公應笑所然樓臺疊市幻千樣人間不少迷香洞
天上無勞索聘錢彷彿紅綃來夢裏殷勤青鳥落吟邊
星星白髮羞重染看作花中老少年

送同年王可莊殿撰出守潤州

第一江山第一人東南奪得鳳池春潤州古號雄繁地賢守
今除侍從臣捉塵門才容易達和羹家世等閒貧金明太液
池邊柳玉立蓬萊頂上身宿昔芝蘭同氣味尋常履屐見經

綸廷僚似惜拋韓愈

天子終教借寇恂座主鸞臺空付鉢門生龍種各沾巾

君時直上

房書回頭霓羽諸仙隔入手金焦兩點親飲酒桓溫誇北府詠

花何遜在東鄰明珠不擾鮫人市浮玉仍留學士眞判牘幾

人求醉草哦詩有吏寫汀蘋丹陽劉尹爲前輩句曲茅君是

部民行野桑麻俱秀蔚滿城桃李尙芳新

君戊子科典試江南

中冷酌

水明初志白下看山記昔因戀闕未妨淹歲月因君不敢

怨風塵青雲各取斜飛勢卿向吳天我向秦

雲門同年以排律贈行倒疊來韻奉答 王仁堪

三十年前我入秦太平文物盛京塵蟲沙轉眼成殘劫

驂篠逢君信宿因張旣治稱三輔最法才表樹百城新

桑麻敦勸邠岐俗花木平章鄴杜民天末故人望雲樹

日邊好信聚風蘋。壺觴近局招邀易。絲竹中年氣誼真。

有約海王村日涉。大難花市宅成鄰。

謂瑞安帥弟及爽秋令史

一麾

江國符新授。千里陽關酒。暫親西笑。有人待。鳧鳥南遷。促步。烏巾循。良久已。齊龔召侍從。何堪玷濟。恂許國。微忱共披寫。寵行佳什。喜紛綸得逢。今雨長相憶。此去青雲各致身。玉井生蓮。君比潔。金山有帶。我非貧。分飛爲謝。鵝鴻侶。報稱甯區。蟻蝨臣。回首。觚稜。惟見月。掉頭玉勒。且尋春。從知吾輩。孤行意。一種羈愁。莫向人。

漁笙前輩擬東坡。饋歲別歲守歲詩。三首索和在關中亦賦。是題未用元韻。今勉爲之。

饋歲

與客終日談。可無茶果佐。南物入北方。都人詫奇貨。蠻榷互

往來巷陌春風大開門聞剝啄驚起長鬚臥魯酒過鄰牆唐
花媚客座花勝貼玲瓏粉黛出春磨兒女喜分甘劇於高軒
過獨愧瓊玖投我以木瓜和

別歲

老覺流光速少嫌芳序遲曩騎竹馬戲影事猶可追今年燕
山北去年楚水涸年年與汝別奈今非昔時長亭柳眼碧行
李梅花肥青尊滿斟酌慰此徂年悲春幡影裏來臘鼓聲中
辭但對鶯花笑勿嗟蒲柳衰

守歲

貧賤逢閏年今年閏二月有如添足蛇白日向西流豈能徒手逃
今年只今夕鑪灰晝陰何酒脯手自陳臬盧誰氏諱一祭詩
卷畢五聞樓鼓搗子夜春風來玉繩天際斜廢此一夜眠云

將補蹉跎何異溝車望但持盃酒誇

原作 軼

京邸除夕

半年泊宅傍京塵花事從秋數到春白酒紅魚對妻子成今
年今夕是閒身

咫尺元亭未肯違今宵猶款竹閒扉是夕過悉伯師宅天街燈火紅
如錦卻控香輿緩綬歸

春點疏梅映酒杯甌餽貼地錦堂開一雙嬌女桃花顏也學
男兒跪拜來

貂襜偎暖繡屏風酒罷輕麻換退紅春色入簾誰最覺玉釵
頭上小金蟲

清供尋常列玉臺冰蠶雅蒜手親栽海紅簾底春無縫贏得

檀心一夜閒

歲事紅閨愛吉祥建溪蓮子作羹湯
鐙前更剝安期棗留待柔荑隔夜香

舉世何人此夜閒打門佳客贈青山
春風一幅前朝畫自展

生綃就燭看

是夜賀前明侍御陳公畫象一幅

鐙花歡喜好詩成漏轉銅龍卻四更
閒撥薰鑪燒柏子煮茶香裏看天明

和作

陸廷鞅

瘦馬東華踏軟塵此來已過廿年春
卻叨造物甄陶厚鑄就金剛不壞身

陸露輕塵願未違何因躡足款綸扉
瑤樓玉宇高如計雨雪霏霏那忍歸

相約同銜臘尾杯掛屏蠶蒜晚盤開如何咫尺渺千里
知已二三期不來

鳴梭窗竹透微風吹颺茶爐宿火紅欲效祭詩同島佛
年來少作悔雕蟲

底效周王築債臺金根銀葉手能栽不須文字工諛墓
逢庫支錢一笑開

帖子宜春語吉祥茶甌滌筆試溫湯劈牋手寫桃符字
門戶長留翰墨香

歲晏兒曹暫得閒珊瑚架筆紮成山更攜衛玠爲同伴
玉潔冰清一例看

爆竹聲中四韻成鳳城寒漏已三更倦來枕手燈花下
睡起曉窗紅日明

和作

鮑臨

清霏玉屑淨無塵
經說紛綸井大春
一卷詩同冰雪淨
可知仙骨在君身

元亭一夕肯相違
歲盡依然歎竹扉
鼓笛定饒新歲樂
尊鱸雖美不思歸

插架奇書富玉杯
錦堂光照綺筵開
題詩剪綵宜人日
隔歲先邀舊雨來

金爐圍坐醉春風
人面花光一樣紅
知有蕊宮雙姊妹
鐙前爭取綴釵蟲

豔體新詞仿玉臺
瑤英瓊樹及時栽
待看花市燈如晝
無數紅蓮徹夜開

元日朝天迓吉羊
被除身自浴蘭湯
喜神起向梅花拜

裘帶全熏百和香

客邸光陰鎮日閒
歲除扶杖眺西山
歸來未覺銅街晚
比戶春聯帶笑看

暮年蕭瑟庾蘭成
寒聳吟肩到五更
未必詩思清到骨
花壺聊試綠昌明

辛卯元日仿唐人宮詞二首

絳鶴擎香侍玉清
盡將虎拜答昇平
冕旒夜坐含元殿
不聽仙磬九奏聲

暖閣昭儀紫袖垂
君王新御正衙回
金輿不用朝南海
長樂宮中進壽杯

可莊倒疊前韻見答元日無事亦如來韻報之

一從油壁向三秦
七負花開陌上塵
春共江梅來有信
官如

柳絮起無因眼中關吏逢迎舊髻上吳綵彼此新公府久無

強項令訟庭或有不寃民星臨衣錦山頭樹風合沈香水上

蘋

君去秋典粵
試適與余值

關內就求蓴菜假園中向認莠支眞珠江秋

水前移舫花市斜街近結鄰入竹並爲中散友登堂欲拜伯

符親三升且飲無功酒一角爭摹有道巾抗疏深宮嘉侃侃

君屢上
封事

執經皇子盡恂恂巨鼇頂上誰爭席五馬江東忽捧

綸人謂老坡來舊地自言信國是前身江流鐵石知無恙鳥

峙金銀或未貧竹素滿衙驚府掾茶黃通市鬻波臣風塵共

有澄清志天地方回浩蕩春此去題詩甘露頂吳箋早寄隴

頭人

漁筮元日用禪字叶試筆奉示一首

問訊霓裳曲裏仙春風初暖舊青氈老梅試著花三五美酒

須論斗十千舊雨不來煩折簡君和余除夕詩有知昨燈猶已二三期不來之句昨燈猶
在已通禪玻璃白日長如許才着義和弟一鞭

元日試筆柬敦夫雲門

陸廷獻

金闕朝參爛散仙尚容團坐暖茸氈欲遲夜色燈懸百
待報春聲鳥嘯千酒合屠蘇頻樂聖香燒薈蔔偶拈禪
鏡聽已卜乘輶喜紅杏花前馬一鞭

和作

鮑臨

詆蕩天門萃眾仙萬方冠帶輯裘瓊瑩階紀朔新年一
黍谷回春大地千鳥弄管絃如合樂花明錦繡不妨禪
曉籌初報朝元散歸路珊瑚正打鞭

春初簡漁笙前輩

朝謁渾閒事端居索句忙詞鈔青鼠換酒券紫貂償丸藥看

辰日和香用禁方新年少車騎日下似江鄉

微雨用前韻呈漁老

筍蒲憐我瘳車馬笑人忙酒病先春起詩通隔歲償
蕪條衣褶亂棋子禩文方對臥南牀雨都忘在帝鄉

開歲十二日伯循招同敦夫飲酒願曲九疊茵字韻贈

兩君

柳未搓條草未茵故人新歲自相親歌如車子千聲囀
酒似周郎一味醲言少理多皆雅士態濃意遠有春人
乞君八緇盤龍韞共踏城南一日春

贈陸秀才瑣

漁至少子張子騰侍郎之婿

一顆明珠照乘來文章五色鳳皇胎名齊四玉眞佳士詩詠
三紅小秀才使節定從名父後講筵還繼婦翁陪贈君一匹

江郎錦綉酌宮袍稱體裁

贈瞿子致學士

君嘗督浙江
河南學政

早隨鸛鷺躡仙班，嶽麓瀟湘久未還。
進講從容金殿上，訪才出入使華閒。
西湖萬柳回青眼，少室三花照玉顏。
二十年來成老輩，大蘇清望冠蓬山。

和作

瞿鴻禔

華年文采曠揚班，厥入承明謝職還。
仙令雙鳧朝闕下，清才一鶴出雲間。
棠陰夾路聽輿誦，玉屐書名動聖顏。
此去垂簾日無事，惟應詩卷對青山。

送雲門還秦卽用其贈子致同年韻

陸廷燾

白髮猶留侍從班，秦川渺渺送君還。
可知相對無言裏，多在將離未別間。
莫爲文章荒政事，尤期服食保容顏。

泥沙不用鐮銖盡他日歸來好買山

和韻答漁笙贈別

無分承明供奉班也無錢買沃洲山京塵鬱鬱令人老灞柳
依依待客還一出山憐成濁水再逢君恐改朱顏人生不入
要當出可得長騎戶限間

樊山集卷十六

恩施樊增祥嘉父

京輦題襟集下

黃副都丈賜答前韻再呈二首

老輩憐才世所無，劇於皇甫序三都。屬詞東國溫涼玉，卓筆

西江大小孤。夜雨吳船曾刻翠，春風楚幕愧棲烏。公嘗視學江蘇，祥客

武昌幕府牽裾暫縮辛，公手試作詩林主客圖。

東閣清嚴坐累茵，蔽門四士結交親。謂可莊諸君乾嘉風氣稍庚

續，唐宋文章本大醇。烏府漫裁脩柏賦，鯉庭今有種桃人。公

仲攷嘗典蜀試誰知，領袖樵陽客曾見。堯家丙子春。

原作 軼

次韻贈漱蘭前輩

陸廷黻

考一多分一
一
江夏黃童天下無，早年文譽盛東都。
廣川自作儒林重，溫國何嫌黨類孤。
照鏡難藏迷霧豹，植竿不轉相風烏。
霜臺執簡巖巖象，合寫人間五嶽圖。

曾賦高軒接凭茵，幸從韋叡記鄉親。
和光藹藹常嘘暖，餘味醇醇若飲醕。
前輩流風仍此老，蒼生霖雨更何人。
卽今已轉青陽律，願奉先生杖履春。

再疊前韻贈仲弢編脩

下筆塵埃一點無，翰林車騎最嫺都。
陂中春水千波映，天際仙雲兩角孤。
蓮愛吳儂歌采采，君嘗隨宦吳中乍憐秦客唱烏烏。
玉

堂舊物皆珍異，待入宣和博古圖。
君收藏甚富

益州持節據華茵，揚馬居然罄效親。
錦水波瀾終古豔，文翁風俗至今醕。
驛程西去題金雁，弩矢前驅映璧人。
城闕芙蓉

皆北向待君重作蜀江春

漱丈見示元日早朝感事述懷疊韻詩四首再次奉答
宮府情情百慮無玉音三殿總俞都五龍夾日動何茂一鳳
朝陽德未孤盡道行游須避馬誰言暇豫不如烏朝回玉映
英梅下自看蕭齋歲兆圖

樽開白獸藉文茵得與金莖賜露親宰相羹材梅子熟秀才
風味麴生醅

君恩似雨常膏平物臣酒如狂不授人百榼千鍾拚一醉爲
留堯舜古時春

神武中興近代無未煩營洛號東都漢儀肅處

龍顏喜濶議成時鳳吹孤今年元旦受賀樂設而不作好把功名酬獬豸

莫將祥瑞附魚鳥怪來胷次輕華省中有岐嶷五嶽圖

翦拂金猊入尺茵歲朝湜籍往來親老懷對客低徊久雪意

如詩醞釀醕

元日天陰欲雪

東閣無施行馬處

公第宅甚狹

南江休憶釣

魚人瑞安花是公家物借作安仁縣裏春

原作

黃體芳

登聞鼓院比來無出納遙知

帝曰都軍國新猷資輔弼

聖明舊學仗公孤微臣枉作加巢鵲晚歲甯思集戟烏
多病由來疏藥石膏肓坐此恐難圖

輪鐵勞勞藉敝茵孱軀仍與酒杯親自澆宦海清涼散
不眠

天家光祿醕謝瀹口中宜此物季鷹身後是何人長安
佳醞知多少擬逐車塵醉一春

意氣平生到此無，眞堪湘語笑乾都。市囂不敢謀充隱，
寺近何心訪給孤。誰向秦倉觀大鼠，但聞楚幕散忠烏。
出郊應下仁人涕，元結詩篇鄭俠圖。

花到殘時草共茵，空心老樹更誰親。敢將臺職驕袁甫，
晉袁甫諱中領軍何勛自言能爲荆縣不爲臺閣職幾見端公踵伯醕。功實從看
西北地聲名，莫問下中人多勞。金石時相助，已負年華

六十春。

漱丈贈詩謂識余於南皮師許，距今逾二十年。感呈二

律並寄南皮師武昌。

槐阪同車記得無，神仙李郭聚東都。婚姻復有韓門婿，

仲費公子

婚南皮師女姓

風義雙存趙氏孤。

寶詩郭段後公與南皮師存郵甚至

極諫同時稱殿

虎深情兼愛到人烏，幾番命我雞毛筆。替寫閑元無逸圖。

夢山身卷十一
武昌節度紫茸茵千里依然氣誼親
識比昆刀能斷割言如漢玉更溫醅
經綸南海新圖志姓字東林舊黨人
三載荆湖煩坐鎮南中無異帝城春

原作

黃體芳

往蹟旁人省記無翩翩辭賦軼京都
獨吞雲夢胸何壯同詠霓裳興不孤
離樹身成延祖鶴鳴絃目送廣昌鳥
鵝鸞隊裏多雌伏輸與扶搖萬里圖

廣雅堂高看拂茵緞脩衫布倍情親
自關江漢鍾英秀能溯淵源到茂醅
裴幕取材盡佳吏胡齋治事有傳人
武昌旌節君家近舊雨相離十二春

正月三日黃副都丈招同爽秋子培旭莊班侯諸君小

集六疊前韻

朝罷羣真一事無霓裳同日聚仙都清詩白戰歐陽九佳帖
銀鈎乙速孤雪乳細浮花椀白金幡偏傍角中烏南枝蝶瓣
繁如許染到消寒第幾圖

翦裁金燕拂茸茵氣味芝蘭老愈親世事餅花幾開落文詞
杯酒品醕醑未移桑蔭公知我不採山藜國有人頭白香山
喜賓客扶筇同看會昌春

原作

黃體芳

區區鼎飯近三無贏得朝陽聽卽都京洛撫塵終是別
秦徐聯軫不嫌孤宏農錫誥燈花紫博議讐書袖墨烏
羨煞風流賢令尹此行合補范寬圖

諸君潘夏稱連茵不分駑駘與驥親茶似長孺誰錄硬
酒非公瑾敢居醕賈區見說穿垣事理區慙爲貼職人

儘使陽秋皮裏滿爭如腳底有陽春

漱蘭丈七疊前韻贈別敬和二首

同人佳興似公無那忍歌驪別上都懷玉人從秋浦去抱琴
心比嶧陽孤昔將拾芥看青紫今道栽花致白鳥俱是麗公
稱引過強摹半額上眉圖

伏蒲階下緣如茵汲直終教

帝意親請劍心如槐里壯上書言比廣川醕聲名蕃武三君
上子弟珣珉一輩人笑我身爲灞亭柳最思紅杏日邊春

原作

黃體芳

西征未必故人無似惜簪裾隔

帝都樽酒君隨雲樹遠樾陰我媿嶺松孤未輸太守行
春馬漸靜長安警夜烏大府頗聞懷若谷肯施特榻乞

余嘗以雞汁瀹龍井茶餉客子培寵以佳什七疊前韻
茶神何意得雞占清似菡蕸未下鹽齊蹠湯燂翻舊譜越芽
水遞報新籤藝材紀消篇中悟風味樵青指下添七椀飲人
同不寐劉歌祖舞送更嚴

原作 缺

旬月以來金危危詩和者益眾子培仲弢各疊至十餘
首可謂盛矣八疊均禱之

幡尾祥風子夜占客居猶啞十人鹽裘披狐白金腋按設
羊頭兩翼鐵盤馬定須錢埒滿飲虹何惜禱金添嵩陽壇下
多奇寶可有皇神告普嚴

見宋書符瑞志

九疊韻禱金危危

換白迴金縱可占無形似着水中鹽靈多定立方山廟朋錫

如齋內省籤

宋書禮志僕射等官至寒食並客省齋籤賜羊酒米麪

西有長庚星位合

貴如太乙夜膏添鋒車又指函關去憑仗金神與辦嚴

十叠韻禱金危危

故老傳聞等訊占欲教生計足蠶鹽黃金信有人能作紫榜
應書某謹籤隔歲窮將柳車送他年貴許棗糕添殖財端木
真吾黨清淨何心學老嚴

金危危詩盛傳都下有笑其貪者十一叠韻解嘲

奇處本自賈胡占夜祀錢神屏女鹽置籠人前身作障算縉
市裡排排籤韓詩解指如排籤侵尋貨殖儒林重絡繹精鏐寶母添

佞佛求仙同此意譬談祿命喜誇嚴

史記曰者傳曰者多誇誇嚴以得人情虛高人

祿命以悅人志

和作

李慈銘

黃白何須六甲占雪燒不待耿姬鹽盈盈婦降規妝厲
酉陽雜俎言危星姓單羅
尼形如參星作婦人麗色奕奕神來報砌籤河畔雙星
空復候瓊中七豕爲誰添送窮迎富年年事早遣奴星
爲辦嚴

和作

沈曾植

寶勝爻臨夕貴占不須巫降禳調鹽泉飛厭勝青蚨翼
畫託眞形綠玉籤癡絕戶前三拜設望來日利萬金添
如何楚越科儀具一字都無祕祝服

試鐙日杏花香雪齋中爲選官圖戲疊前韻

宰官身闕選官占此味何從辨米鹽六博得梟軒勝氣

一行作吏信曹籤由來鄉相歸年少是日惟承侯
擲采最勝大有

科條待續添恠是叢神司博進糾廉特比省臺嚴

填倉日可莊見示一詩十二疊韻酬之

曹氏倉中吉日占富於訶穴自生鹽名城坐擁金銀島椿庫
親題日月籤概滿理從觀物悟常平法爲積書添梁瓜柑鮓
俱封置始信先生自律嚴

原作

賦

十三疊韻呈悉伯師

窮通何用拂龜占且奏新聲刮骨鹽殖貨公能爲賜宰贊書
吾欲典曹蠶子如仙果垂垂晚酒似春潮夜夜添及此眼明
身健日早將香火事花巖

雲門和越老金危危詩韻至六疊越老復出兩章漁笙

編修亦疊五首

植

輒復效作

沈曾植

候神不假海中占媚竈粗供末下鹽降入兆身青錦帔

書成釐祝綠章籤請天寶爲迦樊下布地金隨長者添
便乞大裘營廣厦徧將世界入華嚴

蘭子從來有口占廩君賦米水神鹽

華陽國志廩君鹽水神事說者以爲

農祥田祖之義

洿邪侈甚田更祝故實羌無正一籤定滿平須

排日受度金倉爲握籌添叢前徑借神三日卜肆何勞

問蜀嚴

寫韻樓中韻字占固應拘室謝咸鹽雙鉤玉札迴丁尾

一卷金荃入戍籤練思儻逢如願降饋貧不藉寶丹添

一斑已見王陽術安用淮南畢法嚴

答雲門東詩第四章意

封軺已動烏情占倚馬重題昔昔盪雲起獄中祠博石

花開陌上送郵籤早知帝女風先靜豈待金神福與添

鄴令聲名千里肅正愁鄉坐避威嚴

兵符久罷聿斯占，戍落還譌突厥鹽。
仙吏飛鳧雲起履，大豪束手指排籤。
身爲穀父千倉布，歲在金穰五袴添。
知有迴施無等願，殘山賸水與莊嚴。
此二章答雲門已酉酉行之句
蕭然人海客星占，飽飯長年耗鼓鹽。
脉望化猶餐翻紙，長恩祭與守芸籤。
平生天市三垣隔，豈有錢神一餉添。
七寶諸花隨念具，淨因終與祝香嚴。

同作

陸廷微

納音本自劍鋒占

是日癸酉

商調從翻昔昔鹽，自識金方騰

寶氣誰鈔玉，懸解疑籤靈氛合，待筭筵卜瑄，朗同教智

慧添篆作兩危驅壁蝨

道家書符若兩危字反，正相向云可辟壁蝨

道家符

籙等精嚴

危燕原殊女蝠占，故同嫫母與無鹽

相傳神貌甚醜

雲臺舊將

曾圖像宣室新書未列籤面目莫嫌塵濁穢衣冠似借
雪霜添金身丈六從空下羽葆何嘗扈衛嚴

降神雞骨已頻占爲禮西方築虎鹽華岳上書祠白帝
宜陵被髮寫朱籤肴烝釜上羊頭爛香蒸爐中鴨腦添
甲夜餽餘恣飽噉那能分餉到徐嚴

丹穴銅山自可占不煩要術造花鹽欲求利市增三倍
兼乞書倉壓萬籤信有鵝冠知窖藏巧如蛛盒驗絲添
略同郭相銀州事星月三更夜鼓嚴

無事良辰吉琰占春宵庭院未堆鹽攝來丁甲朝參斗
守到庚申夜警籤暗室早知官燭滅明堂何藉鬼薪添
今年端二同斯度好習科儀倍謹嚴

雲門子培賦金危危詩蒐奇競巧余亦繼作

陸廷敬

周官星有司民占

司民星屬危宿

數典偏遺海賦鹽得寶歌應

翻子夜送窮文亦入丁籤豈真貓虎田神養莫比鷄鷄

祀錄添別事更聞金斗滿

是日亦可祈財

倘容香界闢華嚴

天錢車府度同占

兩星皆值危次

解義形如菽配鹽盈縮尙堪

推厯算去來誰與報郵籤搜來干寶神難記算到王戎

數已添要識貧兒能暴富不須經咒誦楞嚴

今年正月八日直金危危戲效俗例設祭并紀以詩用

去年可莊贈子培詩韻七首

黃紹箕

內外剛柔不用占供邊無事薦形鹽西方白帝儒家緯

北宿元天道笈籤招寶吉星明厯溯

明洪武選擇厯書載壬寅金危日諸

吉神有天寶明星

金樞五富等目解祠勝日漢儀添黃羊祀臘東京例

莫笑南人事鬼嚴

臘神夜訴觸藩占玉女逡巡爲薦鹽銀穴他年歸祿籍

金官上界拜除籤日遊喜直三星次天寶還兼五富添

盛服被除更月建豈如國俗背燈殿滿洲有背燈祭若祭者見不祥

則須更月建方得人祭室見欽定滿洲祭神祭天典禮

星野兼參卦位占山饒珠玉海魚鹽靈所欲上神君號

祕祝應因亞子籤地鏡古圖雲合天方舊術日名添

勝他夢穢稱祥瑞便似黃金付普嚴

建除家法有恆占凌雜何須誦米鹽酉主玉杓方士說

寅藏金匱厯官籤庚申拜斗儀殊瓊甲子逢奎例可添

俗傳甲子金奎日祈禱不施顏訓在祇愁餓隸怨清嚴祈科名有奇驗

聞道金神見夢占奇贏什倍埒無鹽俗云金危危神貌惡駭人祭者見之

致必水宮合補星圖贊石室應題漢畫籤王母虎顏從

古說酉陽雜俎引道書謂山海經所將軍蛇足任人添

擲砂擬學麻姑爪自畏真仙戒律嚴

穀耗金生異古占漫誇綺頓富池鹽好音竈鬼新傳語
妙論錢神舊署籤鑄就橫財原分定算逢巧厯許籌添
長安槎客知多少枉自持錢訪蜀嚴

載金喜叶易林占從此洪鑪恣冶鹽生有萬羊充食譜

夢看兩犬護書籤由來日富神能授更願年豐利普添

拙筆蠶芽成往悔應緣諱丙未曾嚴

學書諱丙見論衡

越殺丈有祭金危危詩八疊前韻

垣西執法應星占老憶尊羹未下鹽韓愈送窮傳戲筆

王充詰術付疑籤朝朝如願探囊具歲歲長恩箸錄添

和祀千官資糾肅土風越祝未須嚴

雲門前輩有祭金危危詩九疊前韻

鳧舄新聞候吏占西行重食玉華鹽閒吟鶴背腰纏貫
親作蠅頭手署籤寶乞黃瓶從此聚香知紅袖夜來添
雍郊漢時迷煙草太息君才似馬嚴

去年九月七日子培祭金危危神未幾而其弟子林鹽
大使在粵有攝事之信可莊戲以詩賀之今讀越縵
丈及雲門前輩詩教似未詳其緣起因十疊前韻聊
證明之他日採本事詩者或有取焉

沈林學易阮辭占詩思尤如水著鹽幾日操蹄勞野祝
一家開口發郵籤裁箋喜動朋儕問舉燭翻令故實添
卻笑王陽廉更侈黃金別有祕方嚴

今年五月初二日又直金危危一歲兩直向所罕親廉
生文以未及祭為惜十一疊前韻簡之

隔年鏡聽得祥占忍把妍書比嫫鹽丈應試書絕工而
自言似醜婦人

譏日訂譎應有說論衡有詰術議
日調時等篇會天技歷竟無籤余

影抄宋寶祐四年會天歷
竟一歲無直金危危者且欣春去朱明至莫遣金成

白髮添粗服亂頭饒大嚼何如齋沐誦楞嚴

歷書於日直金危危多註云宜祭祀疑即俗例所自起

蓋建除家所謂神在之日凡祭皆宜不必專指祈富

言也今用越縵丈立春日詩意推廣祝詞語涉貪癡

見者當發大噱也

堂上頤齡協斗占殿前頊刻賦熬鹽藏幘時得銘心品

債券從無押尾籤經按本生符卯壯圖參天德報丁添

婦人良方有產圖並引集持鉛幸與翰軒使倚撫冬烘
聖歷正月天德在丁云云
不要嚴

庚寅臘月廿四日立辛卯春次悉伯師韻

未終素帝臘已報漢宮春
柳眼纔窺客梅香始著人
雕盤生菜美暖窖小花新
氣象登臺異先生道不貧

原作

李慈銘

今厯猶餘四明年己立春
靚妝眉際案嬌語膝前人
香篆通簾煖花枝入鏡
新金尊開勝裏未信宰官貧

再答悉師登韻見贈之作

詩思如花發爭先爲客春
鸚哥簾下女嬉子鏡中人
燈事傾都樂梅花度隴
新囊錢與餅水不爲牡丹貧
時買唐花作供
水貧開瘦牡丹

花近人
句也

原作

李慈銘

燕寢香凝夕銀屏曲借春瓶花能解語程牀前燭亦留

人月尙圓容欠衣添半臂新市中燈漸盛誰道 帝京

貧

新歲三日可莊見示和悉伯師立春日詩再疊前韻

玉水猶含凍煙花已作春天漿斟白獸日馭夾黃人挑菜風
襟美傳柑節物新絕知今歲樂都勝去年貧

原作

王仁堪

緇塵二十載前祓好開春隨喜懸華勝偷閒著散人舉
觴吳釀美裁句蜀牋新除日酬吟債奚囊未是貧

初六日與愛師共飯三疊前韻

蕃馬逢佳日豐貂卸暖春翦蔬憐翠物薦果剝青人石銑名

圖舊波箋隸事新風光一百五莫放酒杯貧

悉伯師贈詩賸以小札云併示瑤卷四五疊韻示內二
首

佳詩如錦段來助綺窗春呼我真才子知卿善女人恩憐猶
宿昔著歷愛時新少小嫻崑體不憂邊笥貧

依倚浮雲壻從看水國春髻鬟憐楚岫言語效吳人面藥宮
中出眉圖鏡裏新心知陸夫子不道此莊貧

原作

李慈銘

暫息鳴琴手商量遣早春畫中山作障花裏鏡窺人翠
墨眉險活青編粉指新歲朝清供滿不使玉臺貧

又和作

前人

韻極題襟事詩筒別貯春尊前誇蕩相林下嗣風人證

果金輪舊

原詩有知卿善女人之句

簪花玉格新劈箋連日夕恐致

洛陽貧

六七疊韻呈悉伯師

身依光範閣老閱會昌春酒是流連物花如澹蕩人門題通

德舊齋暑小眠新不少胎仙俸都頒雁戶貧

先生監放東城粥履悉以冬俸

充賑

夢遊西郭寺醒憶鑑湖春魚鳥親聳窈煙波號宕人溪花堂

下發諫草日邊新欲去憂君國非絲素業貧

和作

李慈銘

生及開天盛周迴甲子春枝官濫朝列木容憶山人髮

畏冠卷

平聲

重腰移帶孔新貂裘猶未貰酒戶本來貧

暫作朝正吏句留有腳春嶽蓮青引馬灞柳絲催人銜

袖文書久沾襟酒暈新黃金何待作自齊子陽貧

八疊韻調敦夫

樓上盈盈女來生翠被春宮花簪髻子秋水剪瞳人紗障窺
奴老金釵餉杜新衣裳皆主賜莫怨嫁時貧

春夜漁笙枉招觀劇九疊前韻

珠翠千行繞宮商一片春金牀調舞馬錦帶飾球人揭調穿
雲起弓腰貼地新一宵紅燭淚堪補十家貧

和作

陸廷敬

今夕如何夕燈街錦繡春傳柑煩侍史穠李趁遊人玉
屑香霏暗銀花樣鏤新金蟲釵上綴粧束未應貧
得漁笙和章十疊前韻

舞鸞收影後妍唱賭陽春南海珊瑚女西京金翠人梁塵逐

花落眉語度窗新欲慰樓東寂珍珠字未貧

十一疊韻贈悉伯師

清朝裹頭坐鵲語畫檐春芥葉宜青子梨花名酒似白人臺中
走馬入風裏試燈新稽古從來貴通儒豈患貧

同作

王仁堪

聯綴珠英句言尋玉樹春旗亭婪尾酒塵市素心人整
轡先花發編詩與歲新一縑酬一卷莫笑寫官貧

正月十二日夜過越纒堂月下寒甚明日悉師見示一

詩十二疊韻奉報

片月生遙夜輕寒入上春舊聞記香祖近局召茶人烏鵲光
中警貂狐露下新擁鱸疏粟事腹笥未全貧

原作

缺

十三疊韻贈可莊卽送之江南

風流蘇內翰五馬欲班春玉爪酬琴客金龜付酒人威儀三
館舊鬢黛六朝新二月江南去鶯花亦未貧

同作

李慈銘

齊年良守令同駐 帝城春詩句稱才子茶湯過內人
別筵楊柳始宮體杏花新各樹優賢積脂膏不潤貧

和作

王仁堪

秦隴思君久懼迎有脚春長留降鸞樹定少佩牛人生
玉藍田煖看花杜曲新民閒僂陸海不礙長官貧

十四疊韻衍爲長句再贈可莊

出爲絕代翰軒使入占承明殿閣春扇上蝶圖煩帝子館中
簫賦授宮人江波乍映恩袍動山寺重瞻玉帶新黑髮三公

王仲寶獨於圖史未廉貧

和作

王仁堪

十年交舊彫疏甚一日逢君笑語春
軒鶴定無糜爵意臂鷹誰是解絲人
綵棚燈市遊情減酒幔河橋別意新
買斷風花都莫散量金拷棧不辭貧

穀日內兄招同閩人奉外姑至白雲觀遂過天甯寺素
食十五疊韻

太極宮前試畫輪時先燕九踏青春
東風錦樹都臨水北郭煙嵐欲染人
玉殿香花長掩苒僧厨薑芋自芳新
元碑隨墮探俱徧莫放詩囊錦字貧

閱白雲觀香市感賦十六疊韻

雞蹄紛綸百戲陳由來福地號長春
洞天雲護衣緋鶴春水

光搖拾翠人酥盞半由中禁捨畫圖真似上河新道家獨擅
遊萊勝豈識人閒白屋貧

和作

李慈銘

先旬燕九節珂馬逐嬉春蓬島通仙路犁耜聚幻人貨

郎干擔集教祖一花新此真人稱王真人全真教爲北宋稱一花五葉濟世金

丹在壺中自不貧此真人勸元太祖止殺有功生民故香火獨盛

上元攜阿頰阿瑞阿雲闔厥旬十七疊韻

嬌女平陽掌上身海王村畔閱芳春翦繒花簇泥金蝶隔葉
鶯窺繡幃人相國寺廊懸畫古章臺街裏賜醕新泥龍竹馬
渾閒事薄宦何曾爲汝貧

是夕復攜家人過大柵欄看燈十八疊韻

月采珠光不受塵星橋一道御河春飄揚繒帶都垂地宛轉

琉璃解照人錦樹諸花開豔異玉荷隱語門尖新鳳城油壁
如流水兒女從來不解貧

正月廿三日李恣伯師黃漱蘭丈子培子封止潛子虞
韜父仲弢小集寓齋酒竟復縱觀書畫恣師賦詩見
惠十九疊韻奉酬

長者車來不動塵翦蔬斟酌瓊頭春茶琴玉局詩中物巾拂
龍眠畫裏人中序霓裳同日詠東風木筆一時新斑絲褥上
重開卷金盞蘭膏故未貧

原作

李慈銘

小營精舍照華茵滿貯河陽一縣春午日到窗能煖酒
甲煎隔幔更宜人唾痕蠶紙凝花碧眉樣鮭單鬪茗新
是日食單皆新雋有龍井茗淪雞汁尤有風味紅燭已燒重展畫縑囊玉軸不

知貧

廿五日止潛招同可莊旭莊仲弢子虞子培子封陪恐

師漱丈飲全浙館二十疊韻

燕九纔過未泱句花前杖履共巽春重尋沁水當時第

館爲前明

舟駙馬月張圍同是貞元向上人茶乳哥審天下白魚羹嫂製古來

新聖湖鰕菜餘枕酒移入宣南亦未貧

廿六日子虞子脩止潛子培子封招同悉師漱丈過粵

東館觀劇廿一疊韻

植板清樽美絕倫豔歌子夜奈何春笙簧百囀花閒烏金翠

重遮鏡裏人佳麗已非南部舊衣簪全仿內家新當筵舞徧

參軍鶻優孟休嗟作吏貧

是日有候選糧馬通判登場演劇故云

廿七日挈家人過棗花寺看青松紅杏圖卷二十二疊

韻

智公畫裏曾相識自別青松已七春
細馬來尋煙外寺銀鉤心識國初人
金釵倒影茶光灩翠管簽名麝墨新
兒女亦知風雅事看花沽酒不辭貧

和作

李慈銘

緩尋芳草鳳城圍金地初迎繡屐春
南陌塵香鬢榼酒西山眉鬪偵車人
杏花宮體詩才豔松塵經幢綺語新
惆悵一鐙依佛影蕭蕭仍是總帷貧

亡室馬淑人殯寺中

悉師以詩贈阿頻亦賦一首二十三疊韻

老懷偏與阿茶親繡閣依依鄰下春
鸚鵡念經全似汝桃花齷齪而足娛
人分甘內府餽饌美學拜男兒吉莫
新他日昭華稱弟子贊釵莫笑束脩貧

原作

李慈銘

潁陽小字掌中身，隨看京華下九春。
獅子糖分天上食，鳳頭燈戲勝前人。
百篇詩愛隨耶誦，雙髻妝能學母新。
他日玉函須檢點，蘭亭十匣未爲貧。

仲春七日雪中得恣師寄詩二十四疊韻留別

樂事東華數夕晨，天教白雪伴陽春。
疏香綺閣煎茶女，薄冷山屏中酒人。
玉爲百花生日戲，詩從折柳曲中新。
此行莫擬藍關馬，壓擔瓊瑤未算貧。

原作

李慈銘

峭寒急雪集蕭辰，起見交柯玉樹春。
杏白桃紅歸里夢，溫鑪縣帽避風人。
定知主客吟詩好，大有園亭入畫新。
忍俊待看山色去，茗甌蠟屐未全貧。

辛卯花朝日適值春分悉伯師招同陳六舟黃漱蘭兩
中丞丈可莊旭莊子培子封爽秋芾卿子虞班侯漁
笙仲弢夢華集浙館紫藤精舍悉師賦詩贈行二十
八疊韻奉酬前二首紀是日遊宴後二首則出都叙
別之作云爾

繡衣朝散選芳辰池館平分一半春酌我百花生日酒推公

一代謫仙人楚衣薜荔風前短坐客皆衣冠吳語紋楸局畔

新王謝二公欣接席謂兩中丞丈織兒莫笑道人貧

給諫園林絕點塵春明依舊故園春侵階碧草纒留馬映戶

朱藤久閱人雙井茶茸同客淡兩京薺菜入詩新卻從天羽

推前輩駙馬先朝最愛貧館爲趙天羽給諫寄園舊址更前則爲冉駙馬園天子崔郎自愛貧

王仲初贈崔駙馬句也

經年衣染禁城塵重作河陽一縣春
謫後夷陵深吏事座中景倩盡仙人
杜陵男子拙身晚田水吾師入夢新
誓墓不爲香燕子歸來驗取越裝貧

諸公袞袞席華茵冷臥秋江莫怨春
頗有沈吟雖肋意終爲不食馬肝人
漏舟滄海橫流遠棋局長安百態新
獨與潤州賢太守分携琴鶴不言貧

原作 伯希持去

雲門以二月廿一日出都先一夕聚越縵堂見示和蕪

老槐市醺集詩再次奉別

陸廷敷

今朝真是別離辰入夜猶留一刻春
琴底尙流絃外響扇頭應記畫中人

時蕪老畫扇爲贈

燕臺風雨關情舊秦地山

川入望新贏得長安詩滿匣此行無慮壓裝貧

次韻送雲門前輩還秦

吳慶坻

情深潭水媿汪倫極目關河浩蕩春莫賦
紉蘭懷楚客
要看訟芋服巴人澆池趙李停鞭舊雁
增高岑點筆新
惻悵臨歧無策贈囊詩
搽索未全貧

卷十六終